



THE POWER OF PRAYER

The Salvation News



Volume 5 - Issue 22

www.salvationchurchofgod.org

December 2018

Fresno, CA



FISHERS OF MEN † Green Bay, Wisconsin Page: 4

“For the Spirit God gave us does not make us timid, but gives us power, love and self-discipline.”

[2 Timothy 1:7](#)



NATIONAL Youth Leaders 2018-2020

President
Gaochensue Lor

Vice President
Phengsue Lor

Secretary
Pong Moua

Treasurer
Nkaujcikaj Her

THE COVER

Dec. 2018 - Volume 5 - Issue 22

**A Call to Every Men of
Salvation Church of God, Inc.**

Green Bay, WI

Fresno, CA

Table of Contents

ARTICLES

Bible Trivia.....3
by Chu-Yin T. Her

“A Call To Every Men”.....5
by Vachinzong Lor

Place of Worship.....7

FAITH: SCG 14th Doctrines.....8

Rojmov Thanksgiving/Khoomplig.....9
by Vachinzong Lor

National Women Ministry.....10

Prayer Request.....11

SOLDIER OF JESUS CHRIST

|||

“The LORD is my
Rock and my
Fortress and my
Delivered.”

- 2 Samuel 22:2-4

Note:

X = siv rau tomqab lolus hais ob lwm.


Txhua txhua = txhuax
Siab siab = siabx
Npaj npaj = npajx
Txhawj txhawj = txhawjx



How Much Do You Know?
(Twv Vajluskub)



1. *Vim licas Vajluskub hais tias Anplahas yog Vajtswv ib tug phoojywg zoo?*
2. *Lus "taugxaiv-gossip" yog abtsi?*
3. *Phau Vajluskub puas muaj tseeb tiagx?*
4. *Cov Vajluskub lossis phau Vajluskub uas ploj lawm yog muaj lub npe hu licas?*
5. *Leejtwg pom Lauj (Lot) tus pojniam khov kiag ua ib tug cej ntsev?*



A Call to every Men of Salvation Church of God

By: Xf. Vachinzong Lor

Tomqab Salvation Church of God Rooj Txhawbsiab nyob Green Bay, Wisconsin thiab Fresno, California hauv lub caij ntujsov dhau los, cov thawjcoj hauv SCG Main Office teem ib lub caij rau txhuax leej txivtsev hauv SCG kom sawvdaws tuaj sibntsib. Tegnum li hais teem rau lub 11 hlis tim 3, 2018 thiab chaw sibntsib nyob hauv Green Bay, Wisconsin thiab Fresno, California.

Tsoom txivtsev nyob hauv cov pawgntseeg sab qaumteb xwsli: Minnesota thiab Wisconsin, kom sawvdaws mus sibntsib rau Green Bay, WI. Tsoom txivtsev nyob California mus sibsau hauv Fresno, CA.


Kev sibntsib rooj sibtham "A Call to every Men of SCG" muaj ntsiab lus tseemceeb xwsli:

- ◆ Kom txhuax leej txivtsev hauv cov pawgntseeg tau sijhawm tuaj sibntsib, sibpom, kom sawvdaws sibpaub thiab kom muaj kev sibraugzoo yav tomnej.
- ◆ Kom txhuax leej txivtsev sibpab tawm tswvyim los rub txhuax leej txivtsev hauv pawgntseeg tsa kom muaj txivtsev los koj cov txivtsev hauv pawgntseeg.
- ◆ Txhuax pab txivtsev hauv cov pawgntseeg sibpab tawm tswvyim tsa kom tau Men Department of



Salvation Church of God, Inc.

- ◆ Kawm txog kev koomsiab thiab koomtes (Unity) ntwam txhuax leej txivtsev kom sawvdaws paub mee txog lub zog ntwam kev sibkoom. Ib leej zoo tsis cuag coob leej. Ib leej zoo tsis npaum 10 leej. Kaum leej zoo tsis npaum 100 leej.
- ◆ Kawm tej tswvyim hauv tegnum kev ua thawjcoj (Leadership training) los tsav ntxiv lub luagnum ua ib leej txivtsev sub kev ua thawjcoj rau tsevneeg thiab ua thawjcoj rau pawgntseeg los kom sawvdaws pomqab thiab paub tegnum ua thawjcoj.



Green Bay, Wisconsin

Xibfwb Tswv-Yeej T. Hawj, koj tsoom txivtsev kev sablaj nyob Green Bay, WI. Xibfwb Anthoni Kaub Hawj qhia txog tegnum koomsiab (Unity) thiab Xibfwb Tswvneej Yaj qhia tegnum thawjcoj. Ntxiv ntwad yog Xibfwb Txheejtxheem Vaj tuaj pab hais lus koj txheejtxheem (MC) rau hnub ntwad. Txivtsev koom rooj sablaj nyob Green Bay, WI. pib thaum 8:00 AM sawvntx-ov mus xaus 4:00 PM.



Tomqab ntwad sawvdaws nqisnroos rau hauv rooj sablaj tawm tswvyim hais txog txivtsev tegnum hauv pawgntseeg. Thaum tavsu yog koom kev nojhaus npaj los ntwam pawgntseeg New Salvation Church of God cov pejxeem uas lawv siv sijhawm tseemceeb tuaj pab lis rooj nojhaus. Dhau kev



nojhaus thaum tavsus lawm, tsoom txivtsev npaj koom rau kev kawm lub tswvyim thoojsiab koomtes (Unity) qhia los ntawm Xibfwb Anthoni Kaub Hawj. Txuas ntxiv rau thaum xaus yog nthuav txog lub tswvyim kev ua thawjcoj (Leadership training) los ntawm Xibfwb Tswvneej Yaj.


Tsoom txivtsev hauv pawgntseeg Redeemer SCG (Minneapolis), Milwaukee SCG thiab New Salvation Church of God (Green Bay) uas tuaj koom kev “*A Call to every Men of SCG*” muaj npe raws li nramno:

Adon Hawj, Vam Tswb Tsab, Neejtshiab Xyooj, Txawjnum Lis, Muas Xyooj, Tswvnus Muas, Vam Zeb Lauj, Tyrus Tuam Lauj, Txawj Pov Muas, Laolavu Muas, Xf. Txheejtxheem Vaj, Txoov Tuam Thoj, Xf. Tswvneej Yaj, Zoov Phaj Muas, Tswvyeejtseeb Lauj, Xf. Anthoni Kaub Hawj, Lismeej Xyooj, Paj Tub Lis, & Xf. Tswv-Yeej T. Hawj.

Cov txivtsev hauv pawgntseeg Hmong Salvation Church of God lossis hauv Xibfwb Txhajzeb Koo pawgntseeg tuaj koom tsis tau. Ruajsiab tias tomntej no tsoom txivtsev hauv Hmong Salvation Church of God yuav npaj tuaj koom sawvdaws.

*A Call to every Men of SCG • Green Bay, Wisconsin
New Salvation Church of God
November 03, 2018*

Txheejtxheem kev sablaj thiab kev kawm ntawm pab txivtsev koom hauv Fresno, California los tibyam nkaus li rooj sablaj nyob Green Bay, WI. Tsuas yog lub sijhawm nqistes hauv kev sablaj pib thaum 3:00 PM mus xaus 10:00 PM tsausntuj. Rooj nojhaus cov niamtsev hauv pawgntseeg npaj rau tsoom txivtsev hauv rooj sablaj yog noj thaum 7:00 PM.

 resno, California

Xibfwb Vajtsheejzoo Lauj coj pab txivtsev sablaj nyob Fresno, CA. Muaj cov txivtsev hauv cov pawgntseeg xwsli: Maysville SCG, Living Gospel SCG thiab Fresno SCG tuaj sibsau ua ke. Xibfwb Leej W. Xyooj yog tus coj txheejtxheem (MC) rau kev sablaj hmono. Dhau ntawd yog txivtsev sibqhia txog tuskheej rau lwm tus txivtsev kom sawvdaws sibpaub. Tomqab ntawd sawvdaws nqisroos rau tegnum tawm tswvyim hais txog tsoom txivtsev lub luagnum ua tegnum txivtsev hauv pawgntseeg.

Tomqab noj mho dhau mus, sawvdaws txais kev kawm



hais txog kev koomsiab (Unity) los ntawm Tubtxib Tswv Pab Yaj. Tubtxib Tswv Pab muab tau ntau yam tswvyim tseemceeb heev hais txog kev koomsiab thiab kev koomtes. Ntxiv rau thaum kawg, Txwjlaug Txawjzoo Xyooj nthuav lub tswvyim kev ua ib leej zoo thawjcoj los tsav ntxiv rau lub luagnum txivtsev. Nws qhia tau ntau yam thiab muaj zoo kev plovmeej hais txog txhua qib txhua them ntawm tus thawjcoj tegnum. Tej tswvyim hauv kev coj sawvdaws kawm li hais yog tsav kev paub ntau npaug ntxiv rau tegnum ua ib leej zoo txivtsev. Tej no yog txhawb kom sawvdaws dhau mus ua zoo ib leej thawjcoj los coj tsevneeg, tsev kwvtij, lossis pawgntseeg.

Tsoom txivtsev koom tau kev sablaj hauv A Call to every Men of SCG Fresno, California muaj xwsli nramno:

Tswb Pab Yaj, Charlie Vaj, Xf. Xeevntxawg Jeremy Xyooj, Txawjzoo Xyooj, Koob-



*A Call to every Men of SCG • Fresno, California
Fresno Salvation Church of God
November 03, 2018*

tsheej Muas, Muas Tooj Npliam Vaj, Tswvfeem Xyooj, Dr. Shoobyeej Xyooj, Chau Xyooj, Nplooj Vaj, Wam Thoj Vaj, Tony Vaj, Shi Fae Vaj, Xyooj Pov Vaj, Chenyee Xyooj, Tsavvam Xyooj, Joshua Vwj, Joshua Hawj, Isaac Xyooj, Buthomas Vaj, Vamyeeb Vwj, Cheej Xyooj, Teev Lauj, Soob Tsheej Vaj, Xaivsuav Xyooj, Tsoua Yaj, Tray Yaj, Txujci Yaj, Tshajmoo Xyooj, Zeej Muas, Kwm Xeeb Xyooj, Neej Lauj, Txheem Yaj, & Xf. Vajt-sheejzoo Lauj.

Tsis hais pab txivtsev koom hauv Green Bay thiab pab txivtsev koom hauv Fresno, sawvdaws tuaj coob tabsis yog hais txog txhuax leej txivtsev hauv SCG, sawvdaws twb tuaj tsis txog nrab, feemcoob tsis tuaj. Ntseeg tias zaum no yog thawjzauj xwb sawvdaws thiaj tuaj tsis tag. Paub tseeb tias yam tomntej txhuax leej txivtsev zwm npe hauv pawgntseeg SCG lawm txhua leej yuav tuaj kom txhij.

Place of Worship

CALIFORNIA LOCATION:

1. **Fresno Salvation Church of God**
4626 E. Dakota Ave, Fresno, CA 93726
Elder Neej Lord, Chairman - (559) 905-6454
Elder Seng Yang, Board - (559) 448-7618
2. **Living Gospel Salvation Church of God**
Central Grace Community Church
918 Sierra Drive, Modesto, CA 95351
Dr. Leng W. Xiong - (209) 556-4285
Elder Chertzong Xiong - (209) 484-3833
3. **Marysville Salvation Church of God**
Emanuel Faith Tabernacle
5286 Feather River Blvd., Olivehurst, CA 95961
Tubtxib Kou (Tswv Pab) Yang
(530) 218-6851

MINNESOTA LOCATION:

4. **Hmong Salvation Church of God**
First Church of Nazarene
540 Wheelock Pky E, St. Paul, MN 55106
Pastor Sia Ge Kong
(612) 760-2678

5. **Redeemer Salvation Church of God**
Peace United Methodist Church
5050 Hodgson Road, Shoreview, MN 55126
Pastor Chentzeng Vaugh - (612) 280-8444
Tubtxib Yengcheng Lor - (651) 343-0509

WISCONSIN LOCATION:

6. **Milwaukee Salvation Church of God**
Bethany-Calvary United Methodist Church
7256 W. Center Street, Wauwatosa, WI 53210
Elder Wachue Cha
(414) 759-4915 / (414) 397-1173
7. **New Salvation Church of God (Green Bay)**
3565 Finger Road, Green Bay, 54311
Pastor Anthoni Kao Her
(920) 784-8696

Roog sablaj kev sibntsib zaum no, tsoom txivtsev ntawm ob pab, tsis hais pab sibtham nyob Green Bay, Wisconsin thiab pab sibtham nyob Fresno, California, sawvdaws muab lus xaus tias, 1. Txhua pab pawg txivtsev nyias rov mus tsa kom muaj txivtsev hauv nyias pawgntseeg. 2. Txhua pawg txivtsev hauv cov pawgntseeg yuavtsum tsa kom muaj tus thawjcoj txivtsev mus tuav tegnum hauv Men Department nyob hauv Salvation Church of God Main Office.

Ntxiv ntawd muaj ntau lub tseem ntsiab lus uas sawvdaws twb tham haum thiab pomzoo lawm muab tevtseg rau hauv SCG Main Office thiab npaj yuav muab rov coj los siv rau hauv Men Department tomqab tsa tau tus thawjcoj los tuav Men Department.



Salvation Church of God, Inc.

FOURTEEN DOCTRINES

WE BELIEVE...

The One True God

There is only One God who is the Creator of heaven and Earth who reveals Himself as the Triune God: Father, Son, and Holy Spirit. There is no other god before and after Him. *Eph. 4:6, 1 Tim. 2:5*

The Holy Scripture Inspired

The Scripture, both Old and New Testaments, is infallible in the original writing, and it is the supreme authority in life and spiritually inspired by God. *II Tim. 3:16*

The Creation

That God created mankind in His own image and all things which are visible and invisible above earth, on the earth and beneath the earth, whether known or unknown, are created by the Creator. *Gen. 1:1, 27; 2:4, Jn. 1:3*

The Fall of Man

That God created man good and upright to have good fellowship with his Son. But man disobeyed God and chose the sinful way by eating the fruit of the Forbidden Tree. *Gen. 2:16-17; 3:6*

The Redemption

That there is salvation which comes from God's only begotten Son Jesus Christ, who is totally man and God, born of a virgin, without sin and whose blood is atoned for our sins. *Mt. 1:18, 22-23, Eph. 1:7*

The Body of Christ (The Church)

That all believers in every nation, speaking various languages, far and near, are one in the Body of Christ; we are all God's children. *Lk. 22:19-20, Eph. 4:3-5; 5:23*

The Holy Spirit

In Jesus' promise that He would send His Spirit to dwell in us and teach us the truth. Whosoever believes in Jesus Christ must be baptized in water and in the Holy Spirit. *Jn. 7:37; Acts 4:8*

The Sanctification

That believers shall live a sanctified life which is an act of separation from what is evil, a life of dedication

unto God. *Rom. 12:1-2*

The Great Commission

That Jesus Christ Himself had commissioned His disciples to preach the Good News to all nations so that they may hear, know, believe, and accept Him as their Lord and Savior. *Mt. 28:19-20*

The Divine Healing

That divine healing, casting out demons, and miracles come directly from God, and the Lord Jesus Christ gives the disciples the authority to exercise it. *Mt. 8:3, 16; 16:19*

The Blessed Hope

That all those who believe in Christ Jesus, but have fallen asleep (dead) will be raised again to life during the time the Lord Jesus Christ returns from heaven with the sound of God's trumpet, the dead in Christ will rise first, and then the living will be transformed and join together with them in the clouds to meet the Lord Jesus Christ on the air. *I Thess. 4:16-17*

The Millennium Reign of Christ

That the saints who died in Christ will reign with the Lord Jesus Christ one thousand years before the final judgment. *Rev. 20:4-6*

The Final Judgment

That there will be a great final judgment in which all people, nations, tribes, either dead or alive will be raised and stand before the Almighty God, and He will judge each person according to how they lived their lives on earth. *Rev. 20:14-15*

The New Heaven and New Earth

That there will be a New Heaven and New Earth. The old heaven and the old earth will pass away before the appearance of the Living God. All of those who believed in Jesus Christ shall inherit the New Heaven and New Earth forever and ever. *Rev. 21:1-4, 27*

THANKSGIVING | Khoomplig**Roaj Mov Thanksgiving thiab Khoomplig**

By Vajtsheezoo Lauj

Txawm yog pawgntseeg Milwaukee Salvation Church of God tsoom pejxeem tsis coob pestsawg los, lawv tsis tso txojkev ntseeg tseg. Txhua xyoo lub sijhawm Thanksgiving, tsoom pejxeem hauv pawgntseeg yeej npaj koom uake noj rooj mov Thanksgiving. Xyoo no cov thawjcoj fajthwj thiab cov thawjcoj niamtsev hauv pawgntseeg coj tsoom pejxeem sawvdaws rov tuaj koom kev noj rooj mov Thanksgiving uake yog kev ua tsaug rau Vajtswv vim Nws pab txhuayam, sawvdaws thiaj nyob nyabxeeb. Thanksgiving Day yog hnuv caiv rau tsoom pejxeem thooob tebchaws America. Milwaukee SCG tsoom pejxeem txhua tsev yimneeg siv lub sijhawm hauv hnuv caiv li hais npaj kev nojhaus raws nyias lub peevxwm thiab coj tuaj koom uake rau ntawm Xf. Vajtsheezoo lub tsev.

Yog lau! Nyias npaj nyias tej zaubmov uas qab kawgnkaus raws nyias siab nyiam coj tuaj tso uake, tej zaubmov sawvdaws npaj ntawd muaj ntau hom thiab sawvdaws txawj ua tau tej zaubmov qab kawgkiag. Tsis



Yog Lau! Nyias npaj nyias tej zaubmov uas qab kawgnkaus raws nyias siab nyiam tuaj tso uake.

yog zaubmov xwb, khoom txomncauj, ncuav qabzib, dej thiab lwm yam puavleej muaj txhij.

Thaum 12:00 PM, tsoom pejxeem tuaj txhij thiab tej zaubmov los kuj tuaj txhij. Muaj hais lus ua tsaug rau Vajtswv txojkev lhub, kevpab thiab qhuas Vajtswv vim Nws foom koobhmoov zoo rau sawvdaws. Hais lus ua tsaug rau txhuax tsev yimneeg uas sawvdaws npaj kev nojhaus. Hais lus tostxais tsoom pejxeem, cov txheebze, thiab phoojywg uas tuaj koom. Ntxiv ntawd yog hu ob zaj pajsuabseev qhuas Vajtswv thiab fim Vajtswv rau kev noj rooj mov. Tomqab ntawd sawvdaws nqisnroos thiab samtsum. Tsoom pejxeem coj lawv tsev yimneeg tuaj koom rooj mov Thanksgiving noj yam txaussiab lho.

Ib yam tshwjxeeb yog xyoo no, cov ntseeg hauv Milwaukee SCG mus coj tau 4 yim thiab lawbdab ib yim, xam huvsu yog 5 yim los ntxiv. Ua tsaug Vajtswv pab cov tsev yimneeg los koom tshiab li hais puavleej tuaj koom rooj mov Thanksgiving thiab ob tsev yimneeg tshiab, nkawv npaj ob tug turkey coj tuaj rau hauv rooj nojhaus.

Tomqab rooj nojhaus dhau, tsoom niamtsev muaj kev sibtham hais txog niamtsev tegnum hauv lub koobtsheej Christmas. Pab txivtsev, sawvdaws sibtham hais txog nrhiav tus thawj txivtsev los tuav tegnum txivtsev raws li lub rooj sablaj ntawm "A Call to every Men of SCG" soblus ntos tseg. Txivtsev xaiv tau Vamtswb Tsab los tuav tegnum tus thawj txivtsev rau pawgntseeg Milwaukee SCG.

Sijhawm niamtsev thiab txivtsev nyias mus koom nyias



Milwaukee SCG ♦ Thanksgiving Dinner
November 22, 2018

kev sablaj li hais, cov tub-ntxhais hluas sibpab nroos ntsaig rooj nojhaus, tu tsev thiab pab zov tej me-nyuam yaus. Txhua yam hauv rooj mov Thanksgiving mus tau zoo kawg vim tegnum thawjcoj ntawm tsoom fajthwj thiab tsoom thawjcoj niamtsev hauv Milwaukee SCG.

K hoomplig

Nhub Friday, tomqab sawvdaws noj roojmov Thanksgiving dhau, Vajtsheejzoo Lauj, Vamtswb Tsab, thiab Thaiv Xyooj, lawv 3 leeg sibkoom muab nyiaj mus yuav ib tug heevnyuj thiab muab tus nyuj ntawd tua coj los faib rau tsoom pejxeem hauv Milwaukee SCG coj mus noj. Muaslis Hawj thiab Neejtshiab Xyooj nkawv nrog Vamtswb Tsab thiab Vajtsheejzoo nkawv mus tua tus nyuj li hais.

Yog ua zoo saib yeej tsimnyog cov tsev yimneeg uas los ua kwvtij rau hauv txojkev ntseeg tus Tswv Yexus lawm yuavtsum cev lossis faib kev nojhaus rau txhua yim vim sawvdaws koom ua kwvtij thiab koom ua vivncaus nyob hauv Tswv Yexus. Koom ua neej hauv txojkev ntseeg thiab yuav mus tib qhov chaw hauv Vajtswv lub tebchaws. Qhov tseeb sawvdaws yog ib tsev tiagx vim sawvdaws ntseeg



“Ib puas tsav yam uas zoo thiab ib puas tsav yam koobhmoov uas zoo kawg nkaus yeej yog Vajtswv pub rau peb. Vajtswv yog tus uas tsim lub hnuab, lub hli thiab tej hnuabqub uas nyob saum nruab ntug. Lub hnuab thiab lub hli yeej ua rau lub ntiajteb txawj kaj thiab txawj tsaus, tiamsis Vajtswv tsis zoo li ntawd, Vajtswv yeej zoo Vajtswv lib qub.”

-Yakaunpaus 1:17

tibtug Tswv thiab taug ib txojkev xwb.

Tomqab tau nyuj lawm, muab nqaij nyuj faib rau 20 tsev yimneeg hauv Milwaukee SCG thiab ib yim twg kuj tau ib qho nqaij nyuj coj mus noj yog kev zoo siab hauv lub sijhawm Thanksgiving thiab yog ib qho khoomplig rau txhua tsev lub sijhawm Christmas twb los ze.

NATIONAL WOMEN MINISTRY

2018-2020

Director

Bao Xiong

Assistant Director

Neng Chia Vang-Kong

Secretary

Ka Bao Lo

Treasurer


Pa Xiong

Assistant Treasurer

Iang Vue

Yog muaj leejtwg xav tau kev pab lossis xav kom peb pab tajj thov Vajtswv rau nws, thov sau rau ntawm daim ntawv no thiab muab mail tuaj rau peb. Peb txaus siab yuav koomsiab pab tajj thov Vajtswv rau koj.

PRAYER REQUEST



Blank lined area for writing prayer requests.



ANSWER FROM PAGE 3:

- 1. Anplahas txojkev mlooglus thiab kev ntseeg (Chivkeeb 22).
- 2. Ib co lus hnov hais phem/dag (1 Timautes 5:13)
- 3. Txhua lolus yog hais tawm ntawm Vajtswv lub qhovncauj los (2 Timautes 3:16-17).
- 4. Tsis muaj.
- 5. Feemcoob ntseeg tias yog Lauj (Chivkeeb 19:26).

News Report ✦

✦ Caw tsoom xibfwb, txwjlaug, fajthwj, niamtsev, txivtsev thiab tub-ntxhais hluas yog nej muaj xovxwm zoo xav muab tsotawm, muab email rau Xf. Tswv-Yeej T. Hawj. ✦

Newsletters are post quarterly.

Visit SCG website: www.salvationchurchofgod.org
Email: cher@salvationchurchofgod.org



SCG MAIN OFFICE
4626 E. Dakota Ave • Fresno, California • (414) 232-3844 • (530) 218-6851
Email: scgmainoffice@salvationchurchofgod.org • Website: www.salvationchurchofgod.org